



“ТАСДИҚЛАЙМАН”

Ўзбекистон Республикаси
Парвозлар хавфсизлигини назорат
инспекцияси бошлиғи

Т.Э.Улжаев

2017-йил “29” 05

СЕРТИФИКАТЛАШ, АЭРОНАВИГАЦИЯ ВА ПАРВОЗЛАР АМАЛГА ОШИРИЛИШINI НАЗОРАТ ҚИЛИШ БЎЛИМИ ТЎҒРИСИДА НИЗОМ.

Асос: 1. Ўзбекистон Республикаси Ҳаво кодекси.

2. Ўзбекистон Республикаси Президентининг “Ўзбекистон Республикаси Парвозлар хавфсизлигини назорат қилиш давлат инспекцияси фаолиятини такомиллаштириш чора тadbирлари” тўғрисидаги 2017 йил 17 июлдаги ПП-3136-сон қарори.

3. Ўзбекистон Республикаси Вазирлар Маҳкамасининг “Ўзбекистон Республикаси Парвозлар хавфсизлигини назорат қилиш давлат инспекцияси ҳақидаги Низомни тасдиқлаш” тўғрисидаги 2017 йил 2 сентябрдаги 692-сон қарори.

4. Халқаро фуқаро авиацияси ташкилотининг стандартлари ва тавсия қилинган амалиёти.

1. УМУМИЙ ҚОИДАЛАР.

1.1. Сертификатлаш, аэронавигация ва парвозлар амалга оширилишини назорат қилиш бўлими (кейинчалик – бўлим) Ўзбекистон Республикаси парвозлар хавфсизлигини назорат қилиш давлат инспекциясининг (кейинги матнларда Дававианазорат), сертификатлаш ва парвозлар хавфсизлигини назорат қилиш бошқармаси таркибига киради ва парвозларни таъминлаш ва бажариш борасидаги рўйхатдан ўтказиш, сертификатлаш ва назорат ишларини амалга оширади.

1.2. Сертификатлаш, аэронавигация ва парвозлар амалга оширилишини назорат қилиш бўлими ўз фаолиятида Ўзбекистон Республикасининг амалдаги қонуни, фуқаро авиацияси халқаро ташкилоти (ИКАО) ҳужжатлари, парвозлар хавфсизлигини назорат қилиш, сертификатлаш бошқармаси ва Дававианазорат ҳақидаги Низомлар, Дававианазорат бошлиғи буйруқлари ва кўрсатмалари ҳамда мазкур Низомга таянади.

1.3. Бўлим ходимлари Ўзбекистон Республикаси фуқаро ва экспериментал авиациясидаги парвозлар хавфсизлигини назорат қилиш давлат инспектори мақомига эга.

2. АСОСИЙ ВАЗИФАЛАРИ.

2.1. Фаолияти парвозларни таъминлаш ва бажариш билан боғлиқ бўлган ФА эксплуатантлари, авиакорхоналарининг ўқув (машқ) муассасалари, шунингдек Ўзбекистон Республикаси ФАнинг бошқа субъект ва объектларини сертификатлаш ишларини ташкил қилиш ва олиб бориш.

2.2. Қуйидаги соҳаларда назоратни ташкил қилиш ва амалга ошириш:

а) фуқаро ва экспериментал ХК да парвозларни бажариш ва таъминлаш;

б) парвозларнинг аэронавигация (штурманлик) таъминоти;

в) визуал парвозлар, ускуналар ва аэронавигация карталари бўйича парвозлар схемасини тайёрлаш ва тузиш;

д) аэронавигация маълумоти хизматларининг (АМХ) фаолияти ва парвозларни аэронавигация маълумоти билан таъминлаш;

2.3. Ўзбекистон Республикасининг авиация қоидалари, бўлим фаолиятининг йўналишлари бўйича меъёрий ва раҳбарий (бошқарув) ҳужжатларини тайёрлаш.

2.4. ФА халқаро ташкилотлари ишида қатнашиш, авиация маъмуриятлари, бошқа давлатларнинг сертификатлаш ва назорат органлари тузилмалари билан бўлим ваколатига тегишли масалалар бўйича ўзаро муносабат ва ҳамкорликни таъминлаш.

2.5. Текширувнинг намунавий дастурини ва инспекторлар таркиби учун фаолиятининг йўналишлари бўйича техник йўриқномаларни ишлаб чиқиш (тайёрлаш).

3. АСОСИЙ ХИЗМАТИ.

3.1. ФА эксплуатантлари, авиакорхоналарининг ўқув (машқ) муассасалари, шунингдек фаолияти парвозларни бажариш ва таъминлаш билан боғлиқ бўлган Ўзбекистон Республикаси ФАнинг бошқа субъект ва объектларини сертификатлашни ва белгиланган тартибда тегишли сертификатлар, эксплуатация таснифлари, муайян рухсатномалар ва чекловлар (EDTO, PBN, RNP, RVSM, AWOP, MNPS, RNAV, хавфли юкларни ташиниш бўйича) беришни ташкиллаштириш ва олиб бориш;

3.2. Ўзбекистон Республикаси ФА субъект ва объектларига берилган ва пули тўланган сертификатлар реестрини юритиш.

3.3. ХК комплексли ва процедура тренажорларини, улардан фойдаланишга рухсатнома бериш билан, малакавий баҳолаш.

3.4. Қуйидаги соҳаларда белгиланган талаблар бўйича фуқаро авиацияси, экспериментал авиация ва ФАнинг бошқа объектлари эксплуатантларига мослигини тасдиқлаш мақсадида текширувни (назоратни) ташкил қилиш ва амалга ошириш:

а) парвозларни бажариш:

Ўзбекистон Республикасида фуқаро ва экспериментал авиация парвозларининг қоидалари;

учув ишларини ташкил қилиш;

парвозларнинг аэронавигация (штурманлик) таъминоти;

визуал парвозлар, ускуналар ва аэронавигация карталари бўйича парвозлар схемасини тайёрлаш ва тузиш;

ХК нинг парвоз қилиши ва қўниши учун минимумларни аниқлаш;

б) АМХ фаолияти ва парвозларни аэронавигация маълумотлари билан таъминлаш;

в) авиация ходимларини ўқитиш ва малакасини ёқлаш:

авиация ходимларининг бошланғич тайёргарлиги, қайта тайёргарлиги, малакасини ошириш, Ўзбекистон Республикаси ФА учувчи ва хизмат кўрсатувчи ходимларини ШЕХМ ёрдамида тестдан ўтказиш бўйича ўқув режалари ва дастурларини белгиланган тартибда текшириш ва тасдиқланишини ташкил қилиш;

г) ҳаводаги ташувларнинг хавфсизлигини назорат қилиш.

3.5. Йўналишлар бўйича эксплуатантларнинг инспектор текширувларини ташкил қилиш ва олиб бориш.

3.6. Ўзбекистон Республикаси авиаконпанияларининг бошқарув-учувчилари, учувчи ва хизмат кўрсатувчи ходимларининг квалификацияси (малакага оид) текширувларини ташкил қилиш ва ўтказиш. Эксплуатантларнинг тайинланган мутахассисларига ишониб топширилган вазифаларнинг бажарилиши учун доимий назорат.

3.7. Тегишли вазирликлар, идоралар, корхоналар ва ташкилотлар билан учувчи ва хизмат кўрсатувчи ходимларни тайёрлаш, уларни текшириш ва мустақил ишлашга рухсат беришни киритган ҳолда, Ўзбекистон Республикасида кучга кирган қоидаларга амал қилинишини назорат остига олиш.

3.8. Авиация ҳодисалари ва Фуқаро ХК тўқнашувларининг тергов натижаларини текшириш.

3.9. Фуқаро ХК ни ижарага бериш шартномаларини маъқуллаш процедураларини ташкил қилиш ва амалга ошириш.

3.10. Ўзбекистон Республикаси ФА эксплуатантлари ва ташкилотлари томонидан парвозлар хавфсизлигини ошириш бўйича тадбирларни тайёрлаш ва амалга оширишни назорат остига олиш.

3.11. Ўзбекистон Республикаси фуқаро авиациясида парвозлар хавфсизлиги ҳолатининг таҳлилини олиб бориш.

3.12. Манфаатдор вазирликлар, идоралар, корхоналар ва ташкилотлар иштирокида Ўзбекистон Республикаси ФА фаолиятини белгилловчи меъёрий ҳужжатларни тайёрлашни ташкил қилиш.

3.13. Фаолиятининг йўналишлари бўйича Ўзбекистон Республикасининг авиация қоидаларини, сертификатлаш ва назорат бўйича бошқа норматив-ҳуқуқий ва раҳбарий ҳужжатларини тадқиқ қилиш.

3.14. Чет эл сертификатларини мослигини эътироф қилиш процедураларини ишлаб чиқиш ва амалга ошириш. Хорижий давлатлар томонидан авиация мутахассисларига берилган сертификатларни (гувоҳномалар) эътироф қилиш (тан олиш) расмий маросимларида қатнашиш.

3.15. Бўлим инспектор таркибининг малакасини талаб даражасида қўллаб-қувватлаш (фаолиятининг ихтисоси бўйича бошланғич назарий тайёргарлик, иш жойида тажриба орттириш, инспекторнинг махсус, даврий, ўрта-давомийлик, узоқ муддатли тайёргарлиги

3.16. Янги авиация техникасини давлат ва эксплуатацион синовларини ўтказишда қатнашиш ва уни жорий қилиш шартларини белгилаш.

3.17. Фуқаро ва экспериментал авиация ХК да содир этилган авиация ҳодисалари ва тўқнашувларни тергов қилишда қатнашиш.

3.18. Фуқаро авиациясининг авиация техникаси ишидаги кам-қўстларининг тўлдирилишини, модификацияларини, ҳаво кемаларидан техникавий ва учишда фойдаланиш бўйича ҳужжатларини тасдиқлаш учун кўздан кечириш.

3.19. Ҳаво кемалари хизматлари ва фуқаро авиациясининг бошқа объектлари ресурслари ва муддатларини белгилаш бўйича қарор қабул қилиш юзасидан фикр билдириш.

3.20. Йўловчиларнинг ҳаёти, саломатлиги ва (ёки) мулкига етказилган зарар учун ўзининг фуқаролик жавобгарлигини мажбурий суғурталаш бўйича қонунда белгиланган мажбуриятларни авиаташувчилар томонидан бажарилиши юзасидан назоратни амалга ошириш.

3.21. Авиакомпанияларда, ўқув юртларида ПХБТ ни ишлаб чиқиш ва жорий қилиш учун назоратни амалга ошириш.

3.22. Авиакомпанияларда, ўқув юртларида парвозлар хавфсизлиги кўрсаткичлари устидан назоратни амалга ошириш.

4. БЎЛИМ ФАОЛИЯТИНИ ТАШКИЛ ҚИЛИШ.

4.1. Бўлимни парвозлар хавфсизлигини назорат қилиш, сертификатлаш бошқармаси бошлиғи тавсиясига кўра Дававианазорат бошлиғи томонидан тайинланган бошлиқ бошқаради. Бўлим бошлиғи бош-учувчи (шеф-учувчи) бўлади.

4.2. Бўлим бошлиғининг парвозлар режаси бошқарма бошлиғи билан келишилади ва Дававианазорат бошлиғи ёки унинг ўринбосари орқали тасдиқланади.

4.3. Бош-учувчи учун парвоз кунларидаги иш вақтининг ҳисоби “Ўзбекистон Республикаси фуқаро авиацияси ҳаво кемалари экипаж аъзоларининг иш вақти ва дам олиш вақтларини нормаллаштириш” ЎзР-94 АҚ га биноан олиб борилади. Бошқа

вақтларда иш куни “Дававианазорат ходимлари учун ички меҳнат тартиб-қоидалари” билан қатъий белгиланади.

4.4. Бўлим бошлиғи йўқлигида унинг вазифасини бўлимнинг тайинланган бош мутахассиси бажаради.

4.5. Бўлим ходимлари ўз мажбуриятларини бажарадилар ва лавозим йўриқномаларига мувофиқ жавобгардилар.

4.6. Бўлим ишлари сертификатлаш ва назорат қилиш бошқармаси бошлиғи томонидан тасдиқланган режалар бўйича амалга оширилади.

4.7. Бўлим ишларининг тартиби “Дававианазорат ходимлари учун ички меҳнат тартиб-қоидалари”га асосан белгиланади. Учувчи мутахассисларнинг парвоз режалари бўлим бошлиғи билан келишилади ва Дававианазорат бошлиғи ёки унинг ўринбосари орқали тасдиқланади. Парвоз кунларидаги иш вақтининг ҳисоби “Ўзбекистон Республикаси фуқаро авиацияси ҳаво кемалари экипаж аъзоларининг иш вақти ва дам олиш вақтларини нормаллаштириш” ЎЗР-94 АҚ га биноан олиб борилади.

4.8. Бўлим бошлиғи ҳар бир ходимни ихтисоси бўйича тайёрлашни ҳисобга олган ҳолда, бўлим ишларининг унумдорлигини таъминлаш ва мутахассисларни ўзаро алмашилиши учун фаолиятларининг йўналишлари бўйича бош ва етакчи мутахассислар ўртасида вазифаларни тенг тақсимлаш ишларини олиб боради

4.9. Бўлим мутахассислари эксперт сифатида Дававианазорат ОМК ва Ўзбекистон Республикаси ФА ўқув юртларининг давлат имтиҳон комиссиялари ишларига жалб қилинадилар.

4.10. Бўлимнинг таркибий (тузилмавий) схемаси 1-сонли Иловада келтирилган.

5. БЎЛИМ БОШЛИҒИНИНГ ВАЗИФАЛАРИ ВА ЖАВОБГАРЛИГИ.

5.1. Бўлим бошлиғи:

олий авиация маълумотида, ФА учувчисининг амалдаги гувоҳномасига, бошқарув-учувчи ишида 5 йилдан кам бўлмаган тажрибага, улардан камида 3 йили бошқарув-учувчи лавозимларида бўлиши;

Ўзбекистон Республикаси Ҳаво кодексини, авиация транспорти соҳасидаги фаолиятни эксплуатантлар ва авиация ўқув марказларини сертификатлаш, ФА авиация ходимларини тайёрлаш ишларини белгиловчи Ўзбекистон Республикасининг меъёрий-ҳуқуқий ҳужжатларини;

эксплуатантлар ва авиация ўқув марказларини сертификатлаш, ФА авиация ходимларини тайёрлаш, ФА ҳаво кемаларини эксплуатация қилиш ва парвозларни таъминлаш масалалари бўйича стандартлар ва ИКАО тавсия қиладиган амалиёт талабларини;

Ўзбекистон Республикаси ФА қоидалари ва парвозларни таъминлаш соҳасидаги меъёрий-ҳуқуқий ҳужжатлар, учув ишларини ташкил қилиш бўйича методик ҳужжатларни;

меҳнат қонунлари асослари, меҳнат муҳофазаси, техника хавфсизлиги, ишлаб чиқариш санитарияси ва ёнғинга қарши ҳимояланиш қоидалари ва нормаларини билиши керак.

5.2. Бўлим бошлиғининг вазифалари:

мазкур Низом, Дававианазорат (Бошқарма) фармойишлари билан белгиланган асосий вазифалар ва хизматларга мувофиқ фаолият йўналишлари бўйича ишларни режалаштириш ва ташкил қилиш;

эксплуатантлар, ФА авиация ўқув (машқ) марказлари, шунингдек фаолияти ишлаб чиқариш ва парвозларни таъминлаш билан боғлиқ бўлган Ўзбекистон Республикаси ФАнинг бошқа субъект ва объектларини сертификатлаш ва белгиланган тартибда тегишли сертификатларни бериш ишларини ташкил қилиш ҳамда олиб бориш;

қуйидаги соҳаларда белгиланган талаблар бўйича фуқаро авиацияси, экспериментал авиация ва ФА нинг бошқа объектлари эксплуатантларига мослигини тасдиқлаш мақсадида текширувни (назоратни) ташкил қилиш ва амалга ошириш:

парвозларни таъминлаш ва бажариш;

авиация ходимларини ўқитиш ва малакасини ёқлаш;

ФА ХК комплексли ва процедура тренажорларини, улардан фойдаланишга рухсатнома бериш билан, квалификацияловчи баҳо беришни ташкил қилиш ва амалга ошириш;

йўналишлар бўйича эксплуатантларнинг инспектор текширувларини ташкил қилади ва олиб бориш;

Ўзбекистон Республикаси авиакомпанияларининг бошқарув-учувчилари, учувчи ва хизмат кўрсатувчи ходимларининг квалификацияси (малакага оид) текширувларини ташкил қилиш ва ўтказиш;

эксплуатантларнинг тайинланган мутахассисларига ишониб топширилган вазифаларнинг бажарилиши учун доимий назоратни ташкил қилиш ва олиб бориш;

ФА корхоналари ва ташкилотлари билан учувчи ва хизмат кўрсатувчи ходимларни тайёрлаш, уларни текшириш ва мустақил ишлашга рухсат беришни киритган ҳолда, Ўзбекистон Республикасида кучга кирган қоидаларга амал қилинишини назорат остига олиш;

авиация ходисалари ва Фуқаро ХК тўқнашувларининг тергов натижаларини текширишни ташкил қилиш;

фуқаро ХК ни ижарага бериш шартномаларини маъқуллаш процедураларини ташкил қилиш ва амалга ошириш;

Ўзбекистон Республикаси фуқаро авиациясида парвозлар хавфсизлиги ҳолатининг таҳлилини олиб боради ва Ўзбекистон Республикаси ФА эксплуатантлари ва ташкилотлари томонидан парвозлар хавфсизлигини ошириш бўйича тадбирларнинг тайёрланиши ва амалга оширилишини назорат остига олиш;

манфаатдор вазирликлар, идоралар, корхоналар ва ташкилотлар иштирокида Ўзбекистон Республикаси ФА фаолиятини белгиловчи меъёрий ҳужжатларни, сертификатлаш ва назорат бўйича бошқа норматив-ҳуқуқий ҳужжатларини тайёрлашни ташкил қилиш;

чет эл сертификатларини мослигини эътироф қилиш процедураларини ишлаб чиқиш ва амалга ошириш. Хорижий давлатлар томонидан авиация мутахассисларига берилган сертификатларни (гувоҳномалар) эътироф қилиш (тан олиш) расмий маросимларида қатнашиш;

бўлим инспектор таркибининг малакасини талаб даражасида қўллаб-қувватлаш (фаолиятининг ихтисоси бўйича бошланғич назарий тайёргарлик, иш жойида тажриба орттириш, инспекторнинг махсус, даврий, ўрта-давомийлик, узоқ муддатли тайёргарлиги);

янги авиация техникасини давлат ва эксплуатантсион синовларини ўтказишда қатнашиш ва уни жорий қилиш шартларини белгилаш;

фуқаро ва экспериментал авиация ХК да содир этилган авиация ҳодисалари ва тўқнашувларни тергов қилишда қатнашиш;

фуқаро авиациясининг авиация техникаси ишидаги кам-кўстларининг тўлдирилишини, модификацияларини, ҳаво кемаларидан техникавий ва учушда фойдаланиш бўйича ҳужжатларини тасдиқлаш учун кўздан кечириш;

авиакомпанияларда, ўқув юртларида ПХБТ ни ишлаб чиқиш ва жорий қилиш учун назоратни амалга ошириш;

фаолиятининг йўналишлари бўйича инспекторлар таркиби учун текширувнинг намунавий дастури ва техник йўриқномаларнинг тайёрланишини ташкил қилиш ва назорат остига олиш.

5.3. Бўлим бошлиғи ўз ҳуқуқ доирасида Ўзбекистон Республикаси қонунларига мувофиқ қуйидагиларга жавоб беради:

мазкур Низом орқали бўлимга юклатилган бурч ва вазифаларнинг бажарилишига;
Дававианазорат раҳбариятининг бошқарув ва норматив ҳужжатлари, буйруқлари,
кўрсатмалари ва топшириқлари талабларининг ўз вақтида ва сифатли бажарилишига;

ФА объектларини сертификатлаш ва назорат текширувлари натижалари бўйича
кўрсатмалар ва ёзма буйруқлар, сертификатлар бериш ҳақидаги қарорлар, улар томонидан
берилган хулосаларнинг объективлигига (холисоналиги);

бўлим томонидан тайёрланаётган норматив ҳужжатларнинг сифатига;

бўлимдаги ишюритишнинг ўрнатилган тартибга мувофиқ ташкил қилинишига;

унинг ваколатига тегишли (ҳуқуқ доирасидаги) ҳужжатларнинг тартибли ва бут
сақланишига;

бўлим тасарруфида бўлган мулк ва ҳужжатларнинг сақланишини ташкил қилишга;

бўлим ходимлари томонидан Дававианазорат ички меҳнат тартиб-қоидаларига риоя
қилинишига, лавозим йўриқномаларига мувофиқ ўз мажбуриятлари, меҳнат ва ижро
интизоми, меҳнат муҳофазаси ва ёнғинга қарши ҳимояланиш қоидаларининг
бажарилишига;

хизмат ва бўлим сирларинининг ошкор бўлмаслигига жавоб беради.

6. БЎЛИМ БОШЛИГИНИНГ ҲУҚУҚИ.

Бўлим бошлиғи қуйидаги ҳуқуқларга эга:

6.1. Мазкур Низомда белгиланган вазифа ва хизматларни бажариш бўйича, ўз
ваколати доирасида бўлим мутахассисларига кўрсатма ва фармойишлар бериш.

6.2. Уларнинг фаолиятида парвозлар хавфсизлигини таҳликага солувчи, ишлаб
чиқариш фаолиятининг сифатини пасайтирувчи қонунбузарликлар аниқланганда, ФА
эксплуатантлари ва ташкилотларига ижроси мажбурий бўлган назорат ёзма буйруқларини
бериш.

6.3. Дававианазорат раҳбариятига қуйидаги таклифларни киритиш:

авиация ходисалари ва тўқнашувларни олдини олиш бўйича профилактик
тадбирларни тайёрлаш ва амалга ошириш;

парвозлар хавфсизлигини таҳликага солувчи номувофиқликлар аниқланган ҳолида,
Ўзбекистон Республикаси ФА эксплуатантлари, ўқув юртларининг (марказлари) амалдаги
ХК сертификатларини бекор қилиш ёки фаолиятини тўхтатиш.

6.4. Агар текширув ва унга тегишли эксплуатацион назорат ишлари ўтказиш
вақтида учувчи мутахассис эксплуатация жараёнида, квалификацияга оид текширувни
киритган ҳолда, ўз ҳатти-ҳаракатлари билан унчалик хатарли бўлмаган парвозни бажарса
ёки бажарилишига сабаб бўлса, бир вақтнинг ўзида Дававианазорат (Бошқарма)
бошлиғига ва манфаатдор идоралар, корхоналар, авиакомпаниялар раҳбарларига хабар
берган ҳолда, эксплуатантлар учувчи мутахассислари гувоҳномаларининг амалда
қўлланилишини тўхтатиш.

6.5. Агар эксплуатацион назорат текширувларини ўтказиш вақтида ХХБ хизмати
мутахассиси ҳаво ҳаракатини бошқариш жараёнида ўз ҳатти-ҳаракатлари билан унчалик
хатарли бўлмаган парвозни бажарса ёки бажарилишига сабаб бўлса, бир вақтнинг ўзида
Дававианазорат (Бошқарма) бошлиғига ва манфаатдор раҳбарга хабар берган ҳолда, ХХБ
хизмати мутахассислари, ҳаракат хизмати бошқарув таркиби гувоҳномаларининг амалда
қўлланилишини тўхтатиш.

6.6. Ўзбекистон Республикаси ФА мансабдор шахсларидан бўлимга юклатилган
вазифаларни бажариш учун керакли бўлган ҳужжатлар ва материалларни талаб қилиш ва
олиш.

6.7. Унга юклатилган мажбуриятларни бажариш мақсадида ички ва халқаро
авиайўналишлар бўйича текширувчи сифатида ЎР ФА авиакомпаниялари ва
авиакорхоналари экипажларининг парвоз топшириқларига белгиланган тартибда
қўшилиш.

6.8. Бўлим ходимларини белгиланган тартибда тайинлаш, жойлаштириш ва ишдан озод қилиш ҳақида тақдимнома киритиш, лавозим мажбуриятларини муваффақиятли ва виждонан бажарганликлари учун ходимларни рағбатлантириш, шунингдек ножўя ҳатти-ҳаракатларга йўл қўйган шахсларга интизомий жазо бериш.

6.9. Парвозлар хавфсизлигини таъминлаш, ҳаво кемаларининг учув эксплуатацияси, аэронавигацияси, ҳаво ҳаракатини ташкил қилиш, фуқаро авиациясининг учувчи ва назорат қилувчи таркиби тайёргарлигини муваффақлаштириш масалалари бўйича халқаро ташкилотлар, анжуманлар ва семинарлар ишида қатнашиш.

Бўлим бошлиғи



Нишанов Р.М.

КЕЛИШИЛГАН:

СЛПХНБ бошлиғи



Назаров Т.А.

Бош иқтисодчи



Давыденко Л.А.

Бош юристконсулт



Орипов С.А.

Касаба уюшмаси раиси



Гулямов Р.Д.

ТАНИШТИРИЛДИ:




Нишанов Р.М. 29.05.18г.



Р.К. 31.05.18

 Ибрагимов М.У. 31.05.18г.



Г.И. 31.05.18г.



М.М. 31.05.18г.

Сертификатлаш, аэронавигация
ва парвозлар амалга оширилишини
назорат қилиш бўлими тўғрисидаги
Низомга

1-сонли Илова

